



তথ্যবিবরণী

নম্বর-০৭১

রাজশাহীতে পালিত হলো বিশ্ব সাদা ছড়ি নিরাপত্তা দিবস

রাজশাহী; ৩০ আশ্বিন (১৫ অক্টোবর):

আজ (১৫ই অক্টোবর) বিশ্ব সাদা ছড়ি দিবস। এ উপলক্ষে জেলা সমাজসেবা কার্যালয় ও রাজশাহী জেলা প্রশাসন এর আয়োজনে জেলা প্রশাসকের সম্মেলন কক্ষে এক আলোচনা সভা অনুষ্ঠিত হয়। অনুষ্ঠানের প্রধান অতিথি হিসেবে উপস্থিত ছিলেন অতিরিক্ত জেলা প্রশাসক শিক্ষা ও আইসিটি টুকটুক তালুকদার। প্রধান অতিথির বক্তৃতায় তিনি বলেন, সাদা ছড়ি দিবসের মূখ্য উদ্দেশ্য হচ্ছে দৃষ্টি প্রতিবন্ধীদেরকে সচেতন করা। তাদের পাশাপাশি আমরা যারা সুস্থ-সবল আছি তারাও যেন তাদের প্রতি সহনশীল হই। কারণ সাদা ছড়ি দেখেই মানুষ অন্ধ ব্যক্তিটিকে চিনতে পারবে।

একজন দৃষ্টি প্রতিবন্ধীর লোককে যখন আমরা রাস্তায় দেখি তাদের প্রতি সাহায্যের হাতটা বাড়িয়ে দেওয়ার প্রবণতা আমাদের এখনো কম রয়েছে। যারা দৃষ্টি প্রতিবন্ধীদের সাথে কাজ করে তারা ব্যতীত সাধারণ মানুষ দৃষ্টি প্রতিবন্ধীদের সাহায্যে সাধারণত কম এগিয়ে আসে।

মূলত এই দিবসটি পালনের উদ্দেশ্যই হচ্ছে বিভিন্ন মহল থেকে সচেতনতা সৃষ্টি করা। কিন্তু এই দিবসটি পালনের মধ্যেই আমরা সীমাবদ্ধ থাকি। প্রতিবন্ধী উন্নয়ন কর্মকর্তা বললেন গত বছর যখন আমরা এই দিবসটি পালন করি, তখন সাবেক ডিসি মহোদয় বলেছিলেন, আপনাদের কি কি প্রশিক্ষণ আপনারা নিতে পারবেন, সে বিষয়ে আমাদের অথবা জেলা সমাজসেবা কার্যালয়ের ডিডি মহোদয়কে জানানো বা একটা লিস্ট দিলে আপনারা স্বাবলম্বী বা আত্মনির্ভরশীল হতে পারবেন। আমি জানিনা সেটার তালিকা কেউ দিয়েছে কি-না। সেই তালিকা দিলে আমরা অথবা সমাজসেবা অধিদপ্তর থেকে অথবা প্রতিবন্ধী উন্নয়ন কর্মকর্তা আছেন ব্যাপকহারে নাহলেও সামান্য হলেও সাহায্য করার চেষ্টা করতাম। শুধু দিবস পালনের মধ্য দিয়ে তাদেরকে সহানুভূতি না জানিয়ে, আমরা যেন প্রতিদিন তাদেরকে সহানুভূতি জানাই। সাধারণত দেখা যায় পরিবারে একটি প্রতিবন্ধী বাচ্চা থাকলে সে সুযোগ-সুবিধা কম পাই সেটা পড়াশোনার ক্ষেত্রে হোক বা যেকোনো ক্ষেত্রে হোক। সচেতনতা শুরু হবে পরিবার থেকে। যে সকল বাচ্চা ডিজেল বা প্রতিবন্ধী আমরা সাধারণত তাকে স্কুলে দিতে চাই না কিন্তু এখন অনেক বিশেষ ধরনের স্কুল বা প্রশিক্ষণ কেন্দ্র রয়েছে যেখানে প্রতিবন্ধী বাচ্চাদের প্রশিক্ষণের ব্যবস্থা হচ্ছে। সুতরাং আমাদের সচেতনতা পরিবার থেকে শুরু করে সমাজ ও সারা দেশে ছড়িয়ে পড়বে। এখানে যারা আছেন আপনারা অনেকেই সচেতন আর এই সচেতনতা সমাজে ছড়িয়ে পড়বে এই প্রত্যাশা ব্যক্ত করি। একজন র্যালির কথা বলেছিলেন। আসলে র্যালি করা হয় নাই তবে পরবর্তী থেকে বড় করে র্যালি বের করার উদ্যোগ গ্রহণ করা হবে। এখানে যে সকল এনজিওগুলো রয়েছে যারা সাদা ছড়ি কিনতে পারছে না তারা হয়তো ওই সকল প্রতিবন্ধীদের সাহায্য করেন তাই আমি বলব তাদের সাথে যোগাযোগ করে সাদা ছড়ি ক্রয়ের ব্যাপারে সহযোগিতা নিতে পারবে শুধু আমার প্রয়োজন আমার নিজের কাছে রাখলে চলবেনা, আমাকে চাইতে হবে। এরপর থেকে যে সকল ব্যক্তি প্রতিবন্ধী বা দৃষ্টি প্রতিবন্ধী, তাদের নিয়ে যারা কাজ করেন তাদের যে অধিকার তাদের যে প্রয়োজন সেগুলো কোথায় পাওয়া যাবে সেগুলো একটু যোগাযোগ করবেন এতে তাদের সাহায্য হয়।

দিবসের এবারের প্রতিপাদ্য 'হাতে দেখলে সাদা ছড়ি, এগিয়ে এসে সহায়তা করি।'

আলোচনা সভায় বিশেষ অতিথি হিসেবে উপস্থিত ছিলেন, রাজশাহীর সিভিল সার্জন ডাক্তার আবু সাইদ মোহাম্মদ ফারুক। জেলা সমাজসেবা কার্যালয়য়ের উপ-পরিচালক মোছাঃ হাসিনা মমতাজ এর সভাপতিত্বে অনুষ্ঠানটিতে ৫ জন প্রতিবন্ধীদের মধ্যে পাঁচটি সাদা ছড়ি বিতরণ করা হয়। অনুষ্ঠানে অন্যান্যদের মধ্যে উপস্থিত ছিলেন, বিভিন্ন এনজিও অফিসের কর্মকর্তা কর্মচারীবৃন্দ প্রতিবন্ধী ব্যক্তিবর্গ এবং প্রিন্ট ও ইলেকট্রনিক মিডিয়ার সাংবাদিকবৃন্দ।

তৌহিদ/আতিক/আলীম/১৬:৩০ঘ.